

新志

第二冊

卷三

建置

卷四

風俗

卷五

賦役

卷六

職官

土產

祀典

選舉



永壽縣新志卷三目

建置

城池

公署

編戶

關梁

鎮堡

市集

倉儲

學校


郵遞

營汛

演武場附

養濟院附

永壽縣新志卷三目



知縣蔣基重修

建置類
城池 公署 編戶 關梁 鎮堡 市集
倉儲 學校 郵遞 營汛

城池

陝西通志永壽縣城元至元二年徙建麻亭鎮明天順二年知縣郭質嘉靖四十五年知縣崔炳俱重修周五里明末被寇盡圯因築寨於虎頭山居之

本朝順治丁酉知縣李如瑾築寨下南關有貢生趙運熙記康熙八年知縣張焜創建新城西南依舊寨四方萃崑中央坦夷區曰金盤城周三里高二丈八尺土築關西門大小各一曰金盤曰康阜建門樓二角樓四自爲文記之趙張二記以冗長未載藝文其大畧如此

一丈今廢

縣冊乾隆十七年知縣黃義詳請興修十八年三月二十日鳩工十九年十月二十日工竣動

帑銀六千四百六十二兩有奇是年冬知縣潘偉更集費詳准增開南北兩門并南城門樓一座四十九年知縣許光基又增置北城門樓一座五十四年知縣蔣基捐養廉九百零七兩重修

公署

知縣署

陝西通志永壽縣署舊在麻亭鎮城內東偏明洪武二

年建築崇禎末寇燬移治虎頭山

獄煥然悉備

張志舊在城內東偏久廢今建南塋內

縣冊乾隆四十七年知縣許光基新葺書屋三楹顏曰

西爽軒五十六年知縣蔣基復捐俸修理

典史署

縣圖在縣署正東

訓導署

縣圖在縣署正北

把總署

縣圖在縣署正東

係張令建學書址嗣學官移置縣治北卽其地改建營汛署年月失考

南北察院

張志僅存

陝西通志永壽縣有布政司關內道行署今俱廢

巡檢司

張志舊有土副巡檢司久裁缺又有永安驛丞解在縣

治西北底窖鎮遞運所在縣北蒿店鎮遞運所在縣南

俱裁又陰陽醫學僧會司道會司今並廢

編戶

張志舊編戶十里自遭明末兵燹戶口減半
本朝順治四年并爲五里

在永里

陝西資政錄舊曰在廊曰永康俱在縣南四十里今各
取首一字并爲一里

車平里

陝西資政錄舊曰車村曰平泉車村在縣北五十里平
泉在縣正東六十五里今并平泉又名應村

常強里

陝西資政錄舊曰常寧曰強化常寧在縣東六十里強
化在縣東南七十五里今并又取下一字改稱寧化

上彭里

陝西資政錄舊曰上宜曰彭村上宜在縣西三十五里

彭村在縣東四十里今并

好留里

陝西資政錄舊曰好時曰留村好時在縣西南八十里
留村在縣西南六十里今并

關梁

莫營關

陝西資政錄在永壽西南今廢

杜氏通典

永壽有後魏莫營關

關一作
關誤

穆陵關

陝西資政錄在縣西南十里

陝西通志宋嘉祐四年置

按地圖總要又有秣陵關在縣南竊疑莫穆秣三字俱屬唇音營陵二字俱收鼻音莫營穆陵秣陵或祇一關也

土橋

陝西資政錄在縣東南五十里安家營醴泉過橋南泄

澗下

鎮堡

監軍鎮

陝西資政錄在縣西南四十里衝地自經明末兵燹至

永壽縣新志卷三

四

本朝康熙初諸鎮尙多殘毀惟此鎮稍有人煙百餘年來休養生息物阜民殷軒車輻輳居然巨鎮矣

舊永壽鎮

陝西通志在縣南三十里

按此卽舊縣治今麻亭新縣治元至元中始徙建也

常寧鎮

陝西資政錄在縣東六十里

宋史地理志熙寧中永壽及麻亭常寧二砦俱割隸邠

州

金史地理志永壽有常寧寨

麻亭寨

〔九域志〕麻亭在永壽縣

〔元一統志〕至元中徙永壽治於麻亭

高店鎮

〔陝西資政錄〕在縣南二十里往來要路明設遞運所兼

治大使

本朝雍正六年裁

底窰鎮

〔陝西資政錄〕在縣北三十里道出邠州明亦置遞於此

乏牛鎮

〔通志〕疆域圖縣西有乏牛鎮

〔陝西通志〕在縣北十里

〔永壽縣志〕卷三

五

窰圍舖

〔通志〕疆域圖在縣東北三十五里〔通志〕作瑤

儀井鎮

〔陝西資政錄〕在縣西南七十里

平窰堡

〔張志〕出碑炭有陶埴在今陶埴於樊家埴

店頭鎮

〔陝西資政錄〕在縣南九十里

〔張志〕店頭平窰諸鎮今俱頽廢

市集

〔桓譚新論〕漆縣民有會日以相與夜中市

說文解字 幽俗以夜市

輶軒環記 永壽縣惟監軍鎮逢二四七九等日為市計
每月十二日其常寧店頭儀井諸鎮皆以單日為市

按邑民有會即有市易如正月十六日南寺二月十
九日堅固莊二十三日東岳廟三月三日馬王廟七
月十五日八月初二日城隍廟五月十三日九月十
三日關帝廟皆會聚五市處也然率不過一兩日輟
止惟四月八日城隍廟之會為獨盛或淹至二三十
日云

倉儲

常平倉

永壽縣新志卷三

六

縣冊凡四曰廣積曰豐儲曰萬盈曰大有俱在縣署東
北額貯京斗穀一萬七千二百四石

社倉

縣冊凡六額貯京斗穀八千九百一石六斗六升三合
監軍社在監軍鎮額貯京斗穀一千六百九十石五斗
九升一合

應村社在應村堡額貯京斗穀一千五百八十七石二
升三合三勺內分貯車村社京斗穀三百六十石實止
貯京斗穀一千二百二十七石二升三合三勺

車村社在車村額貯京斗穀三百六十石
原未報即在
應村社統報

常寧社在常寧鎮額貯京斗穀一千一百七十石一斗

七升三合三勺

甘井社在甘井村額貯京斗穀一千二百九十石一斗
三升九合四勺內分貯馬坊社京斗穀六百五十八石
九斗七升九合四勺實止貯京斗穀六百三十一石一
斗六升

馬坊社在馬坊村額貯京斗穀六百五十八石九斗七

升九合四勺

原未報卽在甘井社統報

東原社在儀井鎮額貯京斗穀一千一百六十八石一

升四合七勺

西原社在坊裏村額貯京斗穀一千一百八十五石七

斗二升一合四勺

養濟院

張志廢

張志廢

學校

入學額數

大清會典永壽小學歲科試額進文生員八名歲試額進

武生員八名

學田

陝西通志永壽學田三頃一畝五分租銀十三兩一錢

三分八釐五毫

義學

陝西資政錄永壽舊無義學康熙七年知縣張焜仰五

里士民各推諸生一名於每里人煙湊集之處設學五所俾貧家子弟咸得從師肄業每年捐俸金二十兩爲五學館穀之費今僅存二處一在縣城內二在監軍鎮各給銀三兩二錢八分四釐

祭器

〔學冊〕鐵鼎鑪一座 鐵香鑪九座 銅獻爵七十具

銅香鑪二座 銅花瓶一對

書籍 悉據學冊開列

御選古文淵鑑二套二十四本 康熙四十年發

御製訓飭士子文一本 康熙四十六年發

御批資治通鑑綱目八套八十本 康熙五十年發

永曆縣志卷三

御纂朱子全書六套六十本 康熙五十年發

御纂周易折中二套二十本 康熙五十六年發

御纂性理精義二套十本 康熙六十年發

欽定春秋傳說四套四十八本 雍正二年發

聖諭廣訓一本 雍正五年發

欽定詩經傳說四套四十八本 乾隆元年發

欽定明朝四書文十四本

欽定本朝四書文八本 俱乾隆九年發

御選唐宋文醇一套二十本

欽定科場條例四本續增二本 俱乾隆二十年發

御纂詩義折中一套八本

御纂周易述義一套四本

御製平定準噶爾文俱乾隆二十三年發

御纂春秋直解一套八本乾隆二十八年發

欽定三禮義疏一百三十本乾隆二十九年發

御製詩文初集三集十三套八十六本乾隆三十年發

欽定學政全書一套十二本乾隆四十一年發

御製平定兩金川文乾隆四十二年發

周易注疏一套四本

尚書注疏一套四本

毛詩注疏二套十六本

周禮注疏一套十二本

儀禮注疏一套十二本

禮記注疏二套二十本

春秋注疏二套二十本

公羊注疏一套八本

穀梁注疏一套六本乾隆四十年發

論語孟子注疏一套十本乾隆四十年發

爾雅孝經注疏一套四本乾隆四十六年發

史記二套二十本乾隆四十六年發

漢書二套十四本乾隆四十六年發

後漢書二套二十本乾隆四十六年發

三國志二套十二本乾隆四十六年發

晉書四套三十八本

宋書二套二十四本

南齊書一套十本

梁書一套八本

陳書一套四本

魏書二套二十四本

北齊書一套八本

後周書一套八本

隋書二套二十本

南史二套二十本

北史三套三十本

唐書四套四十四本

五代史一套八本

宋史十套一百本

遼史一套八本

金史二套二十本

元史五套五十本

明史一百一十二本

孝經注解二部二本

大學衍義輯要二本

大學衍義補輯要六本

四禮初稿一本

四禮翼一本

近思錄集解二部八本

小學纂注二部八本

駁呂留良四書講義八部八十本

在官法戒錄二本

從政遺規二本

養正遺規一本

訓俗遺規二本

教女遺規一本

豫章學約一本

化誨回回條約一本

永壽縣志卷三

綱鑑正史約十六本

壇廟儀注一本

鄉飲儀注一本

文武官接見儀注一本

申飭官箴檄一本

陝西興除事宜一本

方望溪集二本

罵錢名世詩一本

郵遞

永安驛

陝西通志永壽永安驛在城中知縣管理西北至邠州

新平驛七十里

縣冊本號馬共計七十三匹內永安驛馬四十四匹

一十九名歲支工料並修理銀一千二百五十七兩

內縣馬五匹歲支工料並修理銀一百一十三兩

翔寶鷄山岔松林馬道五處協濟馬二十四匹夫一十

二名歲支草料並工食銀七百二十五兩四錢二分二

釐

陝西通志永壽縣總舖在城內其南十五里蒿店舖十

五里舊永壽舖十五里安家舖

至乾州陽
略舖十里

其北五里乏

牛舖十五里窰圍舖十里底窰舖

至邠州太
略舖五里

共設舖遞

七處舖司共三十名每年支工食銀一百三兩七錢八

永壽縣志卷三

十一

分三釐

營汛

陝西通志分防永壽把總一員馬戰兵四名步戰兵四

名守兵三十八名屬慶陽協

按乾隆四十六年十一月添設馬戰兵八名步戰兵

四名守兵八名共六十六名

縣圖營房墩臺四一在縣南門外一在縣南二十里蒿

店一在縣南四十里監軍鎮一在縣北二十里窰圍舖

演武場

時

張志舊在南門外地高風烈不可以觀射明知縣侯加

乘創建於縣治東

按國家致治之法肄武修文二者實相經緯凡郡邑
之演武塲幾與黨庠塾序並列余初莅永日問所爲
演武塲基址渺不復存迨縣試則擇郊外間田開塲
較藝詢諸同城武員其驍射亦鮮定所乃余遍觀應
考入伍之倫間獲穿楊貫扎之技信乎有治人無治
法在其人能自樹立尤貴膺董率之任者因而利導
之非必規規於居肆成市一語矣

永壽縣新志卷四目

風俗

性習

禮儀

歲時

占候

方言

土產

穀屬

貨屬

蔬屬

果屬

藥屬

木屬

花屬

草屬

禽屬

獸屬

蟲屬

永壽縣新志卷四

知縣蔣基重修

風俗類

性習

禮儀

歲時

占候

方言

性習

漢書地理志昔公劉遷豳其民有先王遺風好稼穡務本業故豳詩農桑衣食之本甚備

漢匡衡政治得失疏太王躬仁豳國貴恕

帝王世紀古公居豳以修德為百姓所附

魏書陸俟傳險絕之土民多剛強

唐鄭處誨邠寧節度使廳壁記邠俗質其民樸而易理

業尚播種有后稷公劉之遺

永壽縣新志卷四

太平寰宇記邠俗尚勇力習戰備居戎狄處勢使之然

思庵野錄豳詩樂而不淫便見得豳俗好

元一統志野無惰農邑有高廩

明一統志士勤詩書代不乏人屏絕浮屠不事工賈

大清一統志乾州俗務耕織

郡國利病考邠民鄙嗇寒儉鮮僂熙詭伎之習穴窞而

居衣履悉布素

陝西通志公劉立國於豳復修后稷之業其民勤稼穡

重桑麻太王居邠民猶尚質嬴秦以後政異俗殊矣

關內周諮錄永壽人性愚懇公事惟吏稍識去就自餘

莫能知也士多兼農擇師遠遊者鮮農動作苦甘淡泊

貧者力備自資作奸者少百工不尚技巧作無用獨樞
魯不能商販故里少素封之家

陝西資政錄永俗士敦禮讓守詩書農無闕功亦少餘
粟工極拙一無長技器極質率多楛窳商惟麻縷菽麥
銅鐵瓦缶以資民用婦女粗解縫紉不嫻紡績惟有會
日則羣出購買衣裙紬布等物多於男子數倍觀優亦
然 又云永壽固多良民然游賭成風敗類亦復不少
市廛曲巷無處無之洵奸之藪而盜之源也稂莠不除
嘉禾不茂洩茲土者嚴加禁革鋤而去之庶幾風淳俗
厚 又云永民土著者少大半皆甘肅山西諸外省人
僑寓入籍而山西人尤多惟務逐末或專以放債營生
其息重者加一輕者猶三四分至七八分不等往往有
未滿一歲而子已浮於母者其後告貸寔多或無力而
不能償或有力而不肯償紛紛構訟終歲不休若過年
饑卽不復出借爭訟稍減而貧民亦頗苦之

張志邑介邠乾之間俗尙大約相同但邠地膏腴宜果
蔬乾地溫燠宜桑棉而永壽自耕播之外別無事事繼
經之功販鬻之利漫而語之譬則聆蒙古以梵呪而服
吳牛以轆轤也獨其節儉勤儉儼有七月之風至魯至
道在司教化者一轉移耳 又云永士資稟器識丰格
好尚氣誼節概皆不下於他州縣加以續文種學何難

軼類超羣

關內周諮錄入不知冠久矣娶婦前一日冠帶拜見舅長尊長酌以酒或其遺意云

蒲城縣志冠加於首所以象天也最宜雅重古時制度無論矣今則夏涼冬暖各有定制又有帽頂以別貴賤用之者不可不審也

乾州志成人之禮父醮子三加冠而三祝之古禮也廢之已久不但乾屬

輶軒瑣記乾丞婦人雖盛妝亦必以白布飾其首蓋西方金也西南有太白山故多尙白從來遠矣

按丞俗少婦飾首用各色綉布老婦則多用白

陝西通志

卷四

輶軒瑣記婚用酒食召親友婦以聲樂迎導貧者無之

關內周諮錄丞俗婚不論財有年十三四而娶者有兒

女襁褓時卽締姻者 又云媒妁言允後男家肅帖拜

謝起媒接媒會親納幣豐約不等成婚之日迎婦入門

拜天地祖先合香相引新郎婦同過筵間謂之轉筵三

日拜尊長下厨十日備禮回門此其大略也

乾州志婚姻極重媒妁初議不用庚帖卽用帖亦無字

樣二姓悅則女家待媒卽爲允親行文定禮用財物幣

帛果儀等鼓吹前導迎至女家及筭時又用釵釧冠簪

之屬始以鸞箋通男女年庚士大夫家間用親迎禮庶

民則否近俗人多貧窘不行六禮或男家備妝奩亦覺簡便不致失時

關內周諮錄喪卽日成服三日卽弔奠有力之家不別親疎搭布散衣帽名曰散孝又以各色紙結金銀山斗層樓馳獅象馬及幡幢帛聯亦有作佛事者

陝西資政錄二十七月除服乃古今南北無異者乾永必滿三週始免素服女子旣嫁降服期年乾永卽已嫁女亦滿三載而除雖踰乎禮要亦不失乎情也

關內周諮錄祭於新喪鄉人以三日七七百日三週稱力備儀燒紙錢奠酒哭拜服除則已凡入學登科拜官焚黃等多在墓前備牲設樂請相禮贊行九拜三獻禮

永壽縣新志卷四

四

按七七之說起於釋氏不知何王時用爲治喪之禮嘗考北史胡太后父國珍卒詔自始薨至七七皆設千僧齋北齊書孫靈暉爲國子博士授南陽王綽經綽誅廢每七日恒爲請僧設齋然則七七之見於史傳者實自南北朝始李習之去佛齋說楊垂撰喪儀其一篇曰七七齋日送亡者衣服於佛寺以伸追福此傷古禮宜去之今永俗雖沿故習然惟有力能延僧道之家始一爲之餘不盡爾也至親友相弔用七七者抑又尠矣

乾州志祭祀儀文前輩先達教人必依文公家禮至今相習歲久不增減或喪或葬頗有可觀

輜軒瑣記喪葬有棺無槨貧民不能買棺則掘土數尺而埋之并無太古之藁裡矣

陝西資政錄鄉飲率以春季舉行大賓介僕必推齒德兼優者然儀簡節疎不能盡合於古

按鄉飲賓禮舊志張志俱不載又無陳冊可稽未免失之疎漏茲欲畧見梗概姑就近歲舉行著在新冊者錄次如左

縣冊乾隆四十九年大賓陳新貢介賓師有命生員趙繼

監生者賓王繼先成學禮五十年大賓宋經世貢員介賓

梁大鵬生員者賓陳光李協煥五十三年大賓張星聯

歲貢介賓師懋修生廉李英生員者賓侯鐸任通憲張國校

按乾隆四十七年尙有大賓宋之楠係丁卯科副榜官教諭介賓者實則已遺其姓氏矣

又按興平縣志鄉飲孟冬朔孟春望今永壽亦然至執事生員八九人歌詩童子六七八人則惟興平有之各縣俱無不獨永壽也

舊志明知縣侯命置射器於朔望日令諸生習射行禮國初知縣傅性良復舉行如禮

輜軒瑣記賀生子相索酒食謂之破賀賽神以所獻果肴瓜分謂之散供亦曰散福

邠州志交際於吉禮則布帛交餽凶禮則牲食恒儀則以酒肉從其質也

歲時

月令廣義元日民間俱貼新桃符以後遞飲食相邀號
傳坐

輶軒瑣記立春前一日有司迎春於東郊地保扮戲劇
鑼鼓彩旗聚觀雜沓元宵居民各立社會宰豬羊設
香燭張鼓樂在廟迎神又用熟麪湯雜果菜曰元宵米

茶二月二日踏青選勝採野菜供食清明日拜掃
祖先墓四月麥熟女爲新麥食送其父母諺曰麥上

場女看娘端午民間小兒女繫五色絲艾虎七夕
兒女設瓜果豆芽祀告織女神八月十五以瓜果香

餅賞月各以月餅相饋遺九月九日登高飲茱萸酒

永壽縣新志卷四

十月初成報答土功祭獻羣神冬至士夫家祭祖

先親朋相拜賀如正旦村民則否臘月二十三日夜
設餅餌果酒祀竈神除夕設歲宴間有守歲者

乾州志元日慶賀元夜張燈在昔頗號繁華自經兵荒

一年好景變爲寂寞惟仲春之候行郊野攜酒榼名曰
踏青韻事猶爾清明於前一日祭新塋本日祀遠祖或

飲福於壘上或享燔於室中不似他郡邑先期多日便
行祭掃端午天中節艾酒角黍其常也以五色絲繫長

命縷古人長幼皆然乾俗惟繫小兒女臂上以雄黃酒
代菖蒲中秋賞月九日登高無異於他處十月朔感霜

露之悲祀先爲大臘八日踵浴佛之事噉粥亦宜至日

則慶序首除夕乃守歲終今古同也

皇華載筆乾承古樸無雜戲每逢佳辰令節酒醴肴核各從其便家人父子各盡其歡惟元宵社火扮演故事船燈竹馬採茶秧歌迄今始有古昔無之

占候

玉燭寶典立春日喜晴厭雨天下同之

受祺堂集元宵諺云風吹元夜月雨灑清明節

月令廣義二月十二日花神生日晴則百花成果實茂

皇華載筆穀雨日貼厭蝎符於壁書咒其上

田家日月四月朔占秋糶風從南來西來者賤逆此者

貴

西民月令六月六日藏水待用久不壞初伏頭雨則旱

諺云六月六日雨茶根遭蟲蛀

受祺堂集中秋諺云八月十五雲遮月來年元宵燈晃

雪

田家日月十月朔占春糶風從東來者賤逆此者貴

邠州志一九雪九九皆有雪

乾州志正月元旦宜晴不宜陰故舊詩有云元旦至人

日未有不陰時言人物俱災也是日逢雪必兆旱人日

晴人安八日又屬穀晴年必豐且不宜驟暖二月驚

蟄節忽遇風冷必有倒寒人多病麥田不生長故宜溫

三月不宜霜致傷諸禾宜雨四月來牟成熟之候

不宜多雨晴則籽粒堅好又父老相傳八日不宜南風
謂南山芭豆開花毒氣傷麥試之有驗有不驗 五月
六月俱宜雨播穀時也亢旱難望有秋故歷來多禱雨
七月八月秋霖亦好粟穀必熟二麥培根必深但雨
過多則傷蕎不實忌不周風此風至天氣必肅恐生霜
雪農家畏之 九月霜可降但不宜早早則穀蕎未至
大熟必致減數 十月可納禾稼萬寶告成宜稍暖故
號小春是月純陰而復溫此天地之妙理黃葉落盡來
年之蒂芽復萌不但花木二麥分枝必多屢試屢驗
十一月乾屬土皆亢厚宜大凍二麥斂藏必固宜雪之
候也缺雪必致來年之蟲不宜多晴或暖 十二月亦
宜雪不宜晴暖寒不洩盡來春人多病

永壽縣志卷四

八

關內周諮錄甲申諺云四時不取甲申雨 旬諺云壬
子癸丑甲寅晴五旬之中宵見星戊子至甲子七日行
泥滓 雲諺云雲之西馬沾泥雲之南雨潭潭雲之東
竚立空雲之北好晒麥 雲謠云橫雲不雨縱雲雨願
爲東風吹送汝 星諺云星躡目雨浸屋 畢星諺云
大瓶注小瓶溢爲雲水聲其下如建瓴

方言

輶軒瑣記 永俗謂小曰碎謂驚曰唬謂快曰了謂痛曰
悚刺謂猶曰猾謂破曰濫謂麪曰麩謂冢曰墳 又云
釜謂之鍋桌謂之案杯謂之鍾甌甌謂之盆簞箕謂之

簾箔謂之絞刈鉤謂之鎌 又云酒肆曰坊酒罈曰甕

寶

孩曰尖取物曰刁 又云眼黑者憎惡也圪喇者言

一廂理也囊囊突突者背地短人也這搭此處也兀搭

彼處也吃扎填謂唱燈影優人早飯前食餅也生活筆

也頗頗厭棄不耐也虎淡其人大不才也廉耻幾旬者

呵叱子弟也强者美也瞎者醜也兵兵者快也胡基者

土坏也矢巴牛者螻螂也打插者廝打也言傳者說語

也不接撐者羞見人也 又云土人稱父為達亦稱為

伯稱叔為小達呼從母為姨呼嫡母亦曰姨丈夫亦曰

姨呼從母之夫曰姨丈岳丈亦曰姨丈呼妻曰屋裡的

亦曰婆娘稱祖母曰阿婆伯母曰阿姆呼子曰娃小女

曰娃娃及笄者曰客人朋友中之長者曰某師 又云

卡食在喉中不上不下也今伏路兵亦謂之卡塢能自

立身也坡音山之污下也塍牛之耕地曰幾垧也圪塹

音格山之窩處也圪塔小山相連峰起之名縣南有

圪塔舖音還音俗呼薯之能巫卜者也嚶嶮山之過

峽處也 又云讀稻如討讀大如垛讀拿如哈魏姓為

御惠姓為戲雖姓為徐 又云蟬曰致膠螢曰明火蛇

曰長蟲蠹曰蝓蛆

土產類 穀屬 貨屬 蔬屬 果屬 藥屬 木屬

穀屬

花屬 草屬 禽屬 獸屬 蟲屬

詩幽風七月十月穫稻 十月納禾稼黍稷重穆禾麻

菽麥

張志黍 稷 梁 小麥 大麥 蕎麥 豌豆 苳

麻

輶軒瑣記小麥皮薄麩頗佳

貨屬

詩幽風七月無衣無褐陸疏褐毛布

邠州志永壽縣出簾布

漢書地理志漆有鐵官

後漢書郡國志漆有鐵

唐書地理志土貢澡豆及蜜

太平寰宇記土產蜜蠟麻布剪刀火筋

不音縣新志卷四

張志蠟 蜜 椒

輶軒瑣記石炭出拜家河延亘數十里掘深數十丈遇

夜輒然燈下取之獨忌見風堅不可鑿

蔬屬

詩幽風七月采葑祁祁 六月食鬱及薺七月烹葵及

菽 八月斷壺九月叔苴采荼薪樗 獻羔祭韭

張志芥 白茄 薑蒿 蒿苳 蒼蓬 瓠 茨 薊

莞莢 薤 蘿菔 苦苣 蔓菁 薺 白菜

輶軒瑣記青蒜冬日始生葱韭春季方茁白菜經霜味

絕甘美

果屬

詩幽風七月八月剥棗 七月食瓜

乾州志榴有赤白二種土人善藏者春月如新

張志石榴 杏 李

輜軒瑣記瓜果之屬大都從省會及漢興乾邠各府州
來惟核桃爲本邑所產

按王瓜甜瓜菜瓜東瓜亦本地所產也

藥屬

太平寰宇記土產甘草

張志苦參 荆芥 菖蒲 絕不見 茵陳 蒼耳 知母

防風 延胡索 益母 菘菝 甘菊 升麻 白

芡 車前子 瞿麥 葳靈仙 菹蓄 遠志 穀精

余壽縣志卷四

草 紫蘊 前胡 沙參 元參 半夏 王不留行

地黃 黃芩 柴胡 秦艽 杜芎 地丁草 木

瓜 地榆 欬冬 香附 大戟 甘遂 白芷 地

骨皮 甘草 郁李仁 葶蘆 桑皮

木屬

詩幽風七月爰求柔桑 蠶月條桑 猗彼女桑 采

荼薪樗陸疏樗惡木

張志栢 槐 椿 柳 白楊 榆 楮 桑 楸

梧桐

按梧桐不經見桃樹則所在有之

輜軒瑣記出城西一里許有栢二株大十圍高五丈堅

固莊有槐二株大亦如之皆數百年物也 又云梁山有栢文多菩薩雲氣人物鳥獸一株直萬錢

花屬

〔張志〕辛夷 杏花 桃花 迎春 山茶 餘醜 連

翹花 珍珠花 紫荆花 棣棠花 凌霄花 鷄冠

花 梨花 柰花 木槿花 石榴花 菊花 萱花

藤花

〔輜軒瑣記〕芍藥花學官有之而城隍廟之牡丹尤為極

盛周廣半畝高六尺餘蓓蕾以百數然惟玉樓春一種

花時適廟中有會遊人雜選往往未及半開而攀折已

盡亦憾事也

〔永壽縣志卷四〕

按天下奇花洛陽牡丹廣陵芍藥為相侔埒錦袍金

帶自昔艷稱物以人傳羣芳之所由譜也區區永壽

何幸有此然今亦僅存而已

〔輜軒瑣記〕陂塘荷花絕少菱芡蓮藕土人皆莫之知

草屬

詩幽風七月八月萑葦 四月秀蓂

〔輜軒瑣記〕幽土寒多春深始生庶草然乏蘭蕙之芳

禽屬

詩幽風七月有鳴倉庚 七月鳴鵙

〔張志〕鳩 鵠 鷓鴣 啄木 麻雀 喜鵲 鷹 鷓

鴻雁 胡燕 布穀 鷄 鴨 鶻鶻 野鷄

輔軒瑣記 鶴鴉產永壽者號爲山鶴或云健門勝於他處試之殊不盡然 又云曩時雉兔頗多近歲民藉漸稠捕者日衆獸人司原無乃不給於解矣

獸屬

詩豳風七月一之日于貉取彼狐狸 言私其獫獻豸于公 穹窒熏鼠 曰殺羔羊 稱彼兕觥陸疏兕野牛

張志牛 馬 驢 豬 羊 犬 兔 猫 鼠

輔軒瑣記 永邑從無虎患豺狼豹麋鹿狐狸亦間有之 蟲屬

詩豳風七月蠶月條桑 五月鳴蜩 五月斯螽動股

永壽縣新志卷四

六月莎鷄振羽七月在野八月在宇九月在戶十月蟋蟀入我牀下疏云自七月以下皆指蟋蟀言將寒有漸非猝來也

張志蠶 蟬 蜂 蟻 胡蝶 蛇虺 蜻蛉 蠅

蝸牛 蚓 螳螂 蠅虎 螢 青蛙 蝦蟇 蟋蟀

蚱蜢 蜥蜴 蛛蜘蛛 蛾 蠅 蠅

輔軒瑣記 新縣署在山之巔寒多暑少或盛夏不聞蟬

聲高秋不見螢火惟蠅子較他處差少蠅虎亦然絕無

蟻 蝮 蚊 蚋

永壽縣新志卷五目

賦役

民數

民田

地丁

均徭

屯衛

解款

支款

外賦

祀典

崇祠

羣祭

壇壝

永壽縣新志卷五

知縣蔣基重修

賦役類

民數

民日

地丁

均徭

屯衛

解

民數

縣冊男大小口二萬三千六百三十 女大小口一萬

七千二百九十

民田

賦役全書原額一等地六百一十五頃三十畝六分六

釐每畝科糧三升共糧一千八百四十五石九斗一升

九合八勺共銀二千三百五十七兩八錢六分九釐四

絲三忽二微五纖一塵八渺 原額二等地七百一十

永壽縣新志卷五

一頃九十五畝九分一釐二毫每畝科糧二升五合共

糧一千七百七十九石八斗九升七合八勺共銀二千

二百七十三兩五錢三分六釐四毫三絲五忽七微四

纖九塵八渺 原額三等地一千四百二十九頃七十

五畝五分四釐二毫每畝科糧二升共糧二千八百五

十九石五斗一升八勺四抄共銀三千六百五十二兩

五錢七分四毫三絲五忽八微七纖六塵四渺 原額

四等地一千八百九十八頃二十四畝三分四釐二毫

每畝科糧一升五合共糧二千八百四十七石三斗六

升五合一勺三抄共銀三千六百三十七兩五分六釐

二毫二絲二忽五微一纖九塵 原額五等地二千四

百一十三頃三十五畝二釐五毫七絲每畝科糧九合
二勺共糧二千二百二十石二斗八升二合二勺三抄
六撮四圭四粟共銀二千八百三十六兩五分四釐六
毫三絲八忽五微九纖三塵二渺 以上原額五等共
地七千六十八頃六十一畝四分八釐一毫七絲每畝
起科不等共額徵糧一萬一千五百五十二石九斗七
升五合八勺六撮四圭四粟每石折徵銀一兩二錢七
分七釐三毫四絲八忽五纖五塵共額徵銀一萬四千
七百五十七兩一錢七分一釐一毫七絲五忽八微一
纖八塵二渺內除 荒地三千九百二十七頃八十五
畝八分二釐應免糧六千七百一十二石四升九合一
勺九抄該除銀八千五百七十三兩六錢二分二釐九
毫七絲七忽九微一纖八渺內節年開墾並清丈及墾
正六年自首共地五百八十二頃八十六畝七分五釐
應科糧八百五石八斗五升二合四勺四撮該徵銀一
千二十九兩三錢五分六釐三毫九纖二塵九渺七漠
三沙二沫 又於乾隆元年報墾五等地四百五十七
頃二十二畝二釐一毫十年起科糧四百二十石六斗
四升二合五勺九抄三撮二圭該徵銀五百三十七兩
三錢六釐九毫九絲八忽二微七纖四塵一渺四漠一
沙一沫八涯 又於乾隆十一年報墾五等地一頃六
十一畝六分七釐三毫七絲九忽二十年起科糧一石

四斗八升七合三勺八抄九撮六圭六粟八粒該徵銀
一兩八錢九分九釐九毫一絲四忽二微九纖九塵四
渺四漠六沙八洙九涯實熟地四千一百八十二頃四
十六畝一分五毫四絲九忽該徵糧六千六十八石九
斗一升八勺三撮三圭八粒該徵銀七千七百五十二
兩一錢一分一釐四毫一絲五微七纖三塵九渺六漠
一沙二洙七涯 又自首額外五等地一頃四十八畝
應科糧一石三斗六升一合六勺該徵銀一兩七錢三
分九釐二毫五絲三忽六微八纖五塵三渺二漠 以
上共實熟地四千一百八十三頃九十四畝一分五毫
四絲九忽該科糧六千七十石二斗七升二合四勺三
撮三圭八粒該徵銀七千七百五十三兩八錢五分六
毫六絲四忽二微五纖九塵二渺八漠一沙二洙七涯
按禹貢雍州厥田惟上上蓋第一等也永壽本古雍
州之域而今地分五等堯堦崎嶇一易再易豈地利
之已盡歟抑人力之莫殫歟催科拙而撫字勞令斯
邑者能無慙然愧哉

地丁

賦役全書原額人丁三門九則不等共折下下丁九千
九百四十八丁 優免丁三百八十九丁 行差丁九
千五百五十九丁順治七年免過逃亡丁三千三百二
十七丁 招回丁二百五丁 新招回丁七百五丁

以上實在行差丁七千四十二丁每丁徵銀一錢九分
一釐於雍正五年攤入地糧徵解 自康熙五十五年
起至乾隆二十六年止編審出下丁九十四丁乾隆三
十一年編審出下丁八丁乾隆三十六年編審出下丁
一十丁共編審出下丁一百一十二丁欽遵康熙五十
年定爲常額永不加賦

均徭

賦役全書原額均徭銀一千五十六兩七錢五分九釐
八毫九絲九忽七微內除 荒銀五百一兩二錢四分
四釐五毫九絲八忽一微五纖八塵六渺七漠二沙三
洙八涯 實徵銀五百五十五兩五錢一分五釐三毫
一忽五微四纖一塵三渺二漠七沙六洙二涯 額外
自首均徭銀一錢二分四釐六毫一絲二忽六微四纖
七塵八渺 以上實徵均徭銀五百五十五兩六錢三
分九釐九毫一絲四忽一微八纖九塵一渺二漠七沙
六洙二涯 額外均攤匠價並盤纏銀一十六兩八錢
三分 停免銀三十兩三錢六分九釐

屯衛

賦役全書原額官下軍下早減共地八十八頃四畝九
分五釐每畝起科不等共額徵本折糧五百四十四石
六斗二升二合內本色糧二百七十五石二斗六升三
合折色糧二百六十九石三斗五升九合折布銀五十

六兩五錢六分五釐三毫九絲共丁條馬草銀四十兩
一錢一分二釐二絲五忽內免過原續杆荒地五十六
頃五十四畝四分又雍正十一年開墾地六頃二
十九畝三分七釐又改歸西安府屬咸寧興平二縣地
八十九畝又接收西安府乾州屬屯地二十四頃七十
一畝五分共實地六十一頃六十二畝四分二釐官
下旱減地五頃七十五畝七分五釐軍下旱減地五十
五頃八十六畝六分七釐以上共徵本色糧一百四
十四石五斗二升一合八勺每糧一石折徵銀一兩共
徵銀一百四十四兩五錢二分二釐折色糧二百三十
六石七斗三升八合四勺折布銀四十九兩七錢一分
五釐六絲四忽丁條馬草銀二十八兩七分六釐三毫
四絲一原額屯丁三門九則不等共折下丁二十二丁
康熙元年起至五十年止編審新增共實在丁二十二
丁每丁徵銀七分二釐共徵銀一兩五錢八分四釐
原額長解銀二錢又以糧均丁銀二兩八錢一分三
釐一毫零並改隸減去銀一錢六分一釐二毫零又
接收各屬均丁銀四兩四錢三分五釐二毫零以上
額內額外地每年應徵銀八十六兩六錢六分二釐五
毫零

解款

賦役全書原額民地丁共銀九千五百六十三兩九錢

一分四釐內應解起運銀四千七百四十兩五錢八分
六釐 應解藥味脚價銀二錢八釐 存留銀四千八
百二十三兩一錢二分內 應解站支新墾銀二百六
十六兩四錢二分一釐 應解縣馬新墾銀二十四兩
四錢三分五釐 應解新增正印各役佐雜孤貧等項
銀一十八兩七錢七分六釐 應解邊塘銀一百六十
七兩

支欸

賦役全書知縣一員歲支俸薪銀二十五兩一錢二分
門子二名歲支工食銀一十二兩 皂隸一十四名
歲支工食銀八十四兩 伴作三名歲支工食銀一十

永壽縣新志卷五

六

二兩 馬快八名歲支工食銀一百三十四兩四錢
民壯三十七名歲支工食銀二百二十二兩 禁卒八
名歲支工食銀六十四兩 轎傘扇夫七名歲支工食
銀四十二兩 庫子四名歲支工食銀二十四兩 斗
級四名歲支工食銀二十四兩

典史一員歲支俸薪銀三十一兩五錢二分 門子一
名歲支工食銀六兩 皂隸四名歲支工食銀二十四
兩 馬夫一名歲支工食銀六兩

訓導一員歲支俸薪銀四十兩 齋夫三名歲支工食
銀三十六兩 門斗二名歲支工食銀一十四兩四錢

廩生二十名歲支月糧銀六十四兩 膳夫二名歲

支工食銀一十三兩三錢三分三釐

春秋祭祀歲支銀五十三兩五錢九分五釐 鄉飲歲

支銀一兩八錢五分九釐 鐘鼓夫三名歲支工食銀

八兩 舖兵二十九名歲支工食銀一百七十四兩

永安驛驛馬四十四匹歲支草料並修理支值銀一千

二百五十七兩 縣馬五匹歲支草料並修理銀一百

一十三兩 馬夫一十九名歲支工食銀二百五兩二

錢 蒿店所所夫七十三名歲支工食銀七百八十八

兩四錢 底窖所所夫七十三名歲支工食銀七百八

十八兩四錢 孤貧二十名歲支口糧銀七十二兩又

支布花銀六兩二錢六分一釐

本縣新志卷五

七

按以上流支各款乾隆五十二年奉文與起運數項

一例解司正支正領

外賦

縣冊課程銀五兩四錢七分 地稅向無定額照司頒

契紙儘收儘解 牙稅每歲額解銀一十九兩二錢

畜稅向無定額儘收儘解 鹽課每年三名七十二引

四季運銷每引一額鹽二百四十斤以二十八斤爲一

斗舊價每升價銀三分五釐乾隆四十七年奉文每升

暫增價六釐每斗價銀四錢一分招商辦運 當稅每

店歲額稅銀五兩

祀典類 崇禎 羣祭 壇壇

崇禎

文廟

陝西通志舊在縣署西北元延祐七年建致和元年縣

尉宋思義重修治中單鵠有記明洪武三年重修天順

元年知縣郭質重修河東薛瑄有記

本朝康熙八年知縣張焜創建於新縣治東

縣冊乾隆三十九年邑紳士捐貲重修是年四月十五

日興工四十一年正月工竣正殿五楹兩廡各三間泮

池在大門內今學宮在縣署正北迤東殆即邑紳士捐貲重修者當非前令張君焜創建舊址矣

按明初釋奠祝文猶稱先師爲文宣王或稱宣聖

以唐宋金元國學俱立文宣王廟故也

永寧縣志卷五

八

大清會典暨各省府州縣志書咸舉上一字稱爲文廟

蓋昉於宋元志乘宋羅可受泮梁雜事文廟在泮水南而城背河武廟卽昔時武學

舊址元周密癸辛雜志天津橋奇石一今從之

崇聖宮

學冊在正殿後

關帝廟

張志在南壁門內

按此卽春秋享祀處也其在常寧鎮及永康里者又

古蹟類中

又按俗稱關帝廟曰武廟余向者求其說而不得比

閱春明夢餘錄洪武二十年罷武廟獨尊孔子乃

知武廟者古武成王廟也考諸史太公建廟始於唐
元宗開元十九年至肅宗上元元年追封太公爲武
成王祭典與文宣比德宗建中二年顏真卿請如月
令釋奠其始以張良配置古名將十人爲十哲宋神
宗熙寧中建武學於武成王廟徽宗政和申又加七
十二弟子以擬七十二賢遂與國學無異是時厥後
文武並宗歷金迄元未之或改逮至明太祖朝始詔
太公宜從祀帝王廟其武成王廟罷之由是數百年
非禮之祀一旦而黜則已無所謂武廟矣今人乃移
其稱於關帝廟殆失於未經深考故也 宸垣識略
云漢壽亭侯廟在地安門西明洪武年建

本朝順治九年加封神爲忠義神武關聖大帝雍正三年

追封神曾祖祖父三代公晉崇祀後殿乾隆四十六

年加封忠義神武靈祐關聖大帝改諡忠義

按忠義始爲封

號至是定爲諡法

殿門皆易黃瓦每春秋二仲及五月十三

日遣官致祭云云雖尊崇之典無以復加然實未嘗

稱武廟以配文廟也故此志仍稱關帝廟而列於崇

祠之次上遵

國制下逆俗說誰曰不然

羣祭

名宦祠

學冊在學宮戟門內

祀呂大防邢珣伏伯安郭質李綱孟邦直張朝綱葉映楹八人

鄉賢祠

學冊在學宮戟門內祀金藏來瑱白用劉聚
壽陽楊邦梁任棟七人

節烈祠

縣冊舊在南門外

城隍廟

張志在新縣治北

火神廟

縣冊在縣城內東北乾隆五十六年知縣蔣基新建

按火神廟文昌閣同時並建文昌閣入古蹟火神廟

入祀典一則因所嘗有一則創所本無更爽塏而妥

神靈踵舊增新各從厥類至於經始落成或原或委

其說具詳藝文類記中

永壽縣新志卷五

土地祠

縣冊在縣署大門內西向塌頽日久乾隆五十三年九

月知縣蔣基重葺

馬神廟

縣冊舊在南堡山頭乾隆四十三年知縣葉廷選拓構

壇壝

風雲雷雨壇

張志在縣東

社稷山川壇

張志社稷壇在縣西山川壇在縣東

先農壇

縣冊在南門外乾隆五十八年知縣蔣基重修

厲壇

張志在縣東

按五禮通考云風雲雷雨天神也社稷山川地祇也
先農及厲人鬼也故錄其先後之序如此



永壽縣新志卷五

二

風雲雷雨天神也社稷山川地祇也
先農及厲人鬼也故錄其先後之序如此

瀛壖

縣冊在南門外乾隆五十八年知縣蔣基重修

永壽縣新志卷五終

永壽縣新志卷六目

職官

知縣

典史

教諭

訓導

把總

縣丞

主簿

封爵

選舉籍

進士

舉人

貢生

武舉

諸科

廕封

慈諭

典史

狀元

職官

永壽新志卷六目

永壽縣新志卷六

知縣蔣基重修

職官類

知縣主簿

典史封爵

教諭

訓導

把總

縣丞

知縣

唐

唐書宰相世系表

王暉中山人元宗朝宰相峻之弟為

永壽令

按唐宋時令長有赤畿緊望上中下之異若京朝幕

官則稱知縣事明始直稱知縣又古之縣尉隋曰縣

正亦曰書佐唐宋以初第八充明始改稱典史多吏

員出身

永壽縣新志卷六

一

本朝因之茲故以知縣典史標目不復稱令尉云

唐碑韓儼敬宗寶歷中永壽令曾禱兩建信侯祠有應

按此碑久亡茲採元時無名氏劉侯廟碑所述

宋

宋史呂大防傳大防字微仲京兆藍田人進士及第調

永壽令縣無井遠汲於澗大防行近境得二泉欲導而

入縣地勢高下衆疑無成理大防用考工水地置泉之

法以準之不旬日果疏為渠民賴之號曰吕公泉仕至

尚書左僕射兼門下侍郎封汲郡公紹聖四年卒紹興

初贈太師宣國公諡正愨

學冊八名宦祠

明

舊志伏伯安夏色人

陝西通志作歸德人

洪武中任禠躬無染撫

民有道歷官至兵部侍郎入名宦祠

龍儀萬載人才

守兼優大有治行

胡紳潛江人學政兼美

郭質高

平人舉人建修城池廟學公署節省里甲正直廉明經

商州知州去之日百姓泣留者載道入名宦祠

白祥

館陶人舉人仁慈有聲

張俊祥符人舉人

呂鎮棗

強人舉人

劉鏗鄭州人舉人

孫瑤榆次人舉人

劉相邳縣人舉人

越孝合州人舉人

李綱定襄人

重修學廟百廢俱興愛民如子陞青州府判入名宦祠

牛輔高平人舉人

孟邦直祥符人舉人修舉廢墜

履操清謹入名宦祠

鄧簡滄州人監生

余朝陽崇

承壽縣新志卷六

寧人舉人

鄧百祿崇寧人監生振作有爲

王洎壽

州人舉人

羅錦順天府人監生

何球六安人監生

董鉞鉅野人監生

呂庶寶祁縣人監生

梁柱劍

州人監生

王璋完縣人舉人

王貫吳橋人監生

吳鶴招化人監生

屈際昌棗強人蔭生

呂霞鄧州

人監生

張瑀龍門衛人監生

張大芳陽曲人舉人

王純義元氏人監生

崔柄石州人舉人

杜可教

德陽人舉人

黃自在黃岡人舉人

張朝綱元城人

舉人造祭器撫流移著有遊山記

郭田山海衛人監

生張橋獲鹿人舉人

韓子義沁水人監生捐俸創

建譙樓

馬應壯山東人監生

張尙素清豐人監生

楊騰芳遼東人舉人 常守忠猗氏人舉人 張潤

行歸德人舉人除奸豪修倉廩 侯命解州人舉人建

玉皇閣 鄭敦原長治人舉人 離克儉北直人舉人

崔大智藁城人舉人 鄭上春考城人選貢 張甫

省曲沃人舉人 朱制全豐潤人貢士 竇義方太城

人選貢 侯加乘解州人舉人慈惠實施百姓才獻蔽

著一時 邢汴蒲州人舉人 李陽春富順人選貢捐

俸遷學加意作人 張智蓋州人貢士 成材清源人

貢士 王寅之虹縣人貢士 游繡通山人貢士 徐

州守金堂人拔貢廉明正直蒞任淺而嘉政多 魏廷

望武鄉人貢士 莊天麟武進人拔貢 張教汾州人

貢士

永壽縣志卷六

三

明史王國訓傳崇禎八年八月賊陷永壽知縣薄匡宇
張志 遇害其時長史以死聞者隴州知州胡爾純延長
知縣萬代芳咸陽知縣趙躋昌

本朝

陝西通志名宦傳傅性良登封人貢士順治初知永壽

縣賊賀珍圍城性良堅守獲全總督孟喬芳上其功陞

蘇州府同知

張志賈宗孔遼東人 李如瑾黃岡人舉人在任九年

卓有才力捐俸修築寨下南關居民賴之以丁憂去補

廣寧知縣陞陸涼知州至今永民猶思慕之 董照乘

洛陽人貢士

陝西通志名宦傳張焜字大啓號西屏南昌人舉人授
永壽縣知縣縣七被寇躡城舍烟蕪焜至僦居麻亭寨
築城結茅民始寧宇邑故無井澗飲病渴焜披榛步尋
得泉山嶺疏導入城父老相傳此宋吕大防惠民泉涸
廢數百年一旦復之是歲田穀多雙穗至有六穗八穗
者逆桂反莫洛經略漢中檄焜參贊軍務以勞瘁成疾
卒

按職官自康熙八年以後乾隆二十三年以前縣冊
頗殘缺比檢學冊有葉公映榴祀名宦

上海人進士官至湖廣參

議道死夏包子難贈工部侍郎益忠節

而任永何官在何時失載茲

永壽縣新志卷六

四

文獻無徵古今同慨以此知前言往事諸卷中良多
挂漏不獨職官一類為疎也聊稽近冊略記左方

縣冊莊學申江蕪人丁巳進士 王拱宸直隸人貢生

瑪星阿正黃旗人丁卯舉人 梁大端福建人丙子

舉人 孫景燧浙江人辛巳進士

後調繁咸陽縣

謝恩臨福

建人丁卯舉人 葉廷選四川人丁卯舉人 張壁湖

北人庚午舉人 許光基浙江人甲午舉人 孔廣什

河南人壬辰進士 蔣基江蕪人乙未進士

典史

唐

唐書徐彥伯傳彥伯兗州退邨人名洪以字顯七歲能

爲文結廬太行山下薛元超安撫河北表其賢對策高第調丞壽尉歷官至太子賓客

冊府元龜徐彥伯與李嶠張說等二十六人分門撰集

三教珠英文辭皆天下選而彥伯李嶠居首又與韋暹

李亘稱河東三絕以暹善判亘工書彥伯屬詞故也

元

邠州志高安仁丞壽縣典史

明

舊志趙惟忠西充人吏員此下出 身並同何思孝黃岡人

高應吉曲沃人 張文顯南海人 孫翰登棲霞人

谷濟民上元人 湯民瞻清河人 黃嘉賓平谷人

宋壽縣新志卷六

五

王國策平原人 何如瑚永定人 汪宗悅清河人

王蓋臣丞寧人 徐夢瑞范縣人 武丞洪汾陽人

按明天順初文廟舊碑載有典史宋準饒陽人附著

於此

本朝

張志楊性乾宛平人秉心極恬淡贊政多惠愛 汪澤

孝感人 傅斌豐城人原係儒者改途小試清操不苟

贊政多才至於督建文廟監造城池良有功於地方

縣冊王夢熊浙江人 高莫同河南人 桂馥直隸人

吳士麟順天府人

教諭

明

舊志薛澄壽州人 尹信陳留人舉人 葉琮北京人

舉人 韓鎰潁州人 韓宜壽州人 張漢榮河人

郭時康孟縣人 張珮介休人 任中諫四川人 閻

人寧榆次人 崔朝佐長治人 張自康慶符人 孟

汝菴蒲州人 韓桐蒲臺人 鄒仲儀溫州人 賈思

謙彭漢人 崔良貴安平人舉人 李瑄新城人 馬

有慶宜賓人舉人 馮邦靖興安州人 齊子信四川

人舉人 郭澳靈州衛人 馬維駟興安州人 晏鹿

鳴內江人舉人 劉應爵靈州所人 閻子民肥城人

楊天瑞永昌衛人 崔思恭平陸人 何應春河南

人 王大擢鄆州人 丁方翰鄆州人 秋應爵隴州

人 劉思敬洋縣人

本朝

張志張調鼎延長人 宋芳春華亭人 甯修成遼海

人 蕭始恭環縣人 趙文燿平涼人 任名世臨洮

人 歲貢學行俱優不愧師範

訓導

明

舊志安廣臨汾人 馬承緒陝州人 李長鯨洛陽人

儀可畏絳州人 白文紳納溪人 薛良梓芮城人

趙體坤武鄉人 張忠禮縣人 孫朝輔麟遊人

田萬井東明人 吉靜寧州人 宋政膚施人 李居

鳳翔府人 李廷揚隴西人 田良弼洛川人 李洪

南鄭人 陳朝相臨洮衛人 陳謐平陽衛人

按張志云訓導於明天啓年間除革陝西資政錄云

本朝康熙中始裁教諭復設訓導然舊籍已亡無從考覈

中姑就見聞所及者錄之

縣冊楊大倫甘肅人歲貢 侯代工漢中府人歲貢

本強攻延安府人歲貢 祁在琢西寧人歲貢 袁承裔

西安府人歲貢 張維翰綏德州人歲貢 陸維垣綏

德州人歲貢 張培臨潼人辛卯舉人 張述浚咸寧

人丁酉舉人

永壽縣新志卷六

七

把總

按把總卽舊志所謂駐防廳屬慶陽協張志畧而弗

載殆未識

本朝建官文武並重之意也茲就乾隆年間諸弁名氏未

湮者編次如左

中樞備覽王寵錫固原州人 李國棟西安府人 劉

進成固原州人 高思恭長武人 白秀安化人 林

進保固原州人 邱國棟皋蘭人 楊士雲西安府人

王臣西安府人 呂興周邠州人 楊進彪固原州

人 本廷梁鳳翔府人 任大凱安化人 王春固原

縣丞

唐

〔全唐詩〕岑參有送永壽王贊府軼其名歸縣詩詩載藝文類

按張志縣丞係明天啓年間裁革主簿則自元以後

無聞故錄於把總之後

明

〔舊志〕張驥蒲州人監生 周九齡登州衛人 蕭時龍

保寧所人監生 程策墊江人吏員 祝應麟籍貫無考

王天粹涇縣人 朱光憲慈谿人吏員 馬尙聰薊州

人吏員 卞一誠餘姚人吏員 楊田寧海人吏員

李之用崑山人監生 趙煜壽光人監生 王衙涇縣

本縣縣志卷六

人監生 王遷雒江寧人監生 曹守業青縣人監生

主簿

宋

〔宋史〕薛向傳向字師正以祖延任太廟齋郎爲永壽主

簿幹局絕人尤善理財算無遺策累官至工部侍郎同

知樞密院出知穎隴二州卒諡正敏舊志失載

金

〔舊志〕邢珣泰和元年由進士主邑簿通泉利民入名宦

祠

封爵

漢

後漢書耿弇傳弇扶風茂陵人佐光武中興建武二年封好畤侯食好畤美陽二縣永平元年卒謚愍侯子忠嗣忠卒子馮嗣馮卒子良嗣良卒子協嗣漢末國除水經注漢水東有好畤故城耿弇侯國

後魏

魏書江悅之傳孫天與扶風人以勛封漢西縣開國男食邑二百戶地形志云漢西縣屬武功郡太和十一年分好畤置

唐

唐書沙陀列傳沙陀輔國累爵永壽郡王

明

永壽縣新志卷六

九

明史諸王世表永壽懷簡王尙炆安惠王志埴康安王公鉦莊僖王誠淋恭和王秉槐懷順王惟燿榮靖王懷善自榮靖以後三世敬鋪誼况存桑皆襲王封而無諡按周班爵祿典設官分職之制本通其後自漢及明或以翊運分茅或以親藩食采報功崇德施及子孫甚盛典也故備志於職官之後若夫公劉遷幽傳國世次並見邠州志中茲不具錄

選舉類

進士

舉人

貢生

武舉

諸科

貽封

進士

明

舊志永顯承樂壬辰科授廣吉士王麟乙未科授翰

林院檢討 劉聚成化辛丑科授知縣 楊儀宏治癸丑科歷官至參政

舉人

明

舊志李春洪武己卯科官經歷 劉譽永樂乙酉科官

經歷 吳衡辛丑科官同知 李矩甲午科官知縣

索睿官經歷 趙麟未仕 郭勤未仕 以上三人失科舉年分

馬騰丁酉科官吏目 騫宏庚子科官同知 岳泰景

泰丙子科官御史 騫璿官同知 失科舉年分 狙瓚成化

癸卯科官訓導 張弓嘉靖戊子科未仕

本朝

永春縣新志卷六

十

張志任者壽康熙己酉科 羅萬傑己酉科

縣冊王緯康熙壬子科官江西廣信府上饒縣知縣

張德聚乾隆癸卯科 侯建官戊申科 張德孚戊申

科

貢生

明

舊志撒榮官府知事 劉浩官縣丞 王璽官州判

劉傑官知府 盧涇官經歷 門芳官知縣 楊和官

訓導 米顯 蒙泰 姜真 以上三人俱未仕 范琦官知縣

鄭時官主簿 田耘官吏目 王綱官縣丞 李魁

官巡檢 劉宣官知縣 撒梅官大使 鍾厲官大使

岳岩 王懋 岳凱 趙琮 潘俊 張俊 魏春

米克 賈宣 張旺 員秀 劉琰 騫璣 王端

趙純 張敏以上十六人俱未仕 田盛官檢校 宋隆官吏

目 周鼎官州判 門良官縣丞 范蓋官縣丞 邱

旭官主簿 李謙官經歷 邵誥官經歷 張臣 張

松 吳紳 宋儒以上四人俱未仕 樊臣官苑馬寺主簿

王何官教諭 王相官通判 撒傑官主簿 鍾凱

張端 張錦以上三人俱未仕 王興王相之子官經歷 王

世安未仕 孫仁官主簿 李增官教諭 李節官府

知事 梁聰官主簿 李壽官主簿 吳儒官教諭

夏侍官教授 趙世英官教諭 樊威 員宗周以上二人

永壽縣志卷六

俱未仕 樊瑤官主簿 樊士昂官縣丞 樊士瓊官教

諭 王可未仕 王守元官訓導 樊希閔官知縣

田廷瓚官訓導 邵邦憲官主簿 趙鑾官縣丞 王

守享官訓導 張思敬官教諭 狙篋官教諭 樊璞

未仕 蔣廷璧官教諭 樊柘官知縣 李如縞官教

諭 樊枝官訓導 梁希顏官縣丞 任世鰲官學正

樊士禎官教諭 樊濟官訓導 樊世臣未仕 樊

旦官縣丞 李克明官主簿 狙守節官通判 陳朝

忠官州同 王制官學正 姚仁官訓導 樊秘官教

諭 樊量官教諭 宋家宦官通判 李發春官教諭

張其蘊官訓導 任貞官學正 李冠官教諭 任

忠官學正 樊煥官教諭 趙士達官衛教授 羅繡

龍官縣丞 李一貫官府訓導 堯大器官訓導 趙

鼎官府訓導 李茂官訓導 胡嘉猷 談撫庶 張

奇猷 以上三人 俱未仕 任棟官海防道 樊懋修官教諭

竇若儼官教諭 師維新官訓導 劉欽官訓導 白

如璧官教諭 樊撰官教諭 王宏謨官訓導 張所

學官學正 王良化 長孫階 王之屏 安敬 師

誤 張應泰 張惟一 以上七人 俱未仕 董祚九官經歷

張諤官訓導 楊之度未仕

本朝

張志王佐未仕 李良棟官州判 邵周鼎官州判

永壽縣志卷六

羅瑞官經歷 竇恂若儼之子官學正 安運隆官訓

導 狙衍濬官訓導 趙運熙士達之子 談吐琦

王定衡 王業炳 張偉烈 以上五人 俱未仕 楊威官州判

樊泰官典寶 趙壘官主簿 竇謹璿之子官府知

事 周良知官知事 張克仁官主簿 楊邦梁威之

子官檢校 狙衍澤鼎之子王府祀所官

縣冊宋海 都克涵 張星煥 王雲集 師懋脩 以上

五人俱 恩貢 王良弼未仕 張歧嶂郟縣訓導 張玉梁

未仕 以上三人 俱拔貢 李鳳翔 王身淑 鮮明周 張琬

王自修 劉金魁 宋經世 陳新 侯良士 張

星聯 祁彩鳳 李芬 梁三綱 王廷璧 楊清彥

來秩

師景陶

以上十七人俱未仕

都嗣徽岐山教諭

樊

學聖西和訓導

趙龍文莊浪訓導

王作聖岐山訓

導 趙廷掄漳縣訓導

荔濟淳化訓導

以上二十三人俱歲貢

宋之楠原任扶風咸陽教諭

係丁卯科副榜

武舉

按武舉始於唐初至開元中郭子儀以武舉異等授

右衛長史宋制有武舉武選神宗朝始試義策於秘

閣武藝則試於殿前司崇寧八年詔武舉與文學同

時鎖試於貢院明沿宋制小有變更至崇禎四年莊

烈帝銳意重武詔武舉能運百斤大刀者方與中式

欽定一甲三人以京師舉人王來聘居首武榜之有

狀元自來聘始也舊志於武弁武舉皆失載故明時

武舉無考茲就

本朝乾隆年間中式六人依次錄之

縣冊王士雅

失科舉年分

任琬丁卯科

王道洽壬申科

王瑀庚辰科

張元聲壬午科

任之超己亥科

諸科

漢

舊志樊沂以茂才舉荆襄御史

元

舊志米俊德陝西省左右司員外郎

明

舊志呂克明以孝行舉兩淮運使 岳文秀以賢良方

正舉惠州府同知 劉榮以人才舉宛平縣丞贈主事

按兩漢以後選舉之目寢多

本朝兼用古法有博學鴻詞賢良方正諸科然究係

曠典非常設也是以永壽士人自貢舉而外未聞以他

途進者舊志列諸科於進士之前輕重頗爲倒置然

且荆襄御史初非漢官而米俊德出身之由復失記

注其譌畧亦云甚矣惟是年湮世遠疑信相參未可

概從刪削聊復存而論之

贈封

明

永壽縣新志卷六

古

舊志劉榮以子傑贈刑部主事 楊振以子儀贈監察

御史 王琴以子相贈兵馬副指揮 任朝紳以子棟

贈同知

本朝

縣冊宋海以子之楠贈修職郎

按志選舉至諸科其類盡矣志貽封於選舉之末禮

崇報本義準上賢爲人子孫可弗競思發名成業以

是揚

休命而誦先芬乎

永壽縣新志卷六終

